



Inatsisartunut ilaasortaq  
Jens B. Frederiksen  
maani/-

### **Nunanut Allanut Naalakkersuisup suliarnik sumiginnaasimanerata ki- ngunerisaanik Kalaallit Nunaata tusaamaneqarnerata innarlerneqarnera pil- lugu Naalakkersuisunut apeqqut**

5. januar 2009  
J.nr.

Ulloq 17. november 2008 Inatsisartut suleriaasianni § 36, imm. 1 naapertorlugu imatut Naalakkersuisunut apeqquteqarputit:

Postboks 1037  
3900 Nuuk  
Oq/tel +299 34 50 00  
Fax +299 32 46 14  
oed@gh.gl  
www.nanoq.gl

”Ajorluartumik pisariaqarpoq, Naalakkersuisut nunanut allanut tunngasutigut apeqquteqaatinnut, siullermik ulloq 27. november 2008 nassiunneqartunut, nutaarnik akissuteqarnissaat.”

#### **Akissut:**

Aallaqqaasiullugu ajuusaarutigissavara, 27. november akissutinni siullerni akissutigisara paatsuunganartitsisimasinnaammat.

Tamanna tunngavigalugu akissutikka erseqqissassavakka:

Ullup aallarfiissap pilersaarutigineqareersup 17. november 2008-p taamaatiinnarne-  
ranik aalajangerneq akunnerup naanerani pivoq, angalanissaq assigiinngitsunik  
peqquteqartumik pisinnaajunnaarmat. Angalanermi pisassaq siulleq tassaavoq pi-  
lersaarutaareersumik amerikamiut aallartitaqarfianni marlungornermi 18. novem-  
ber marloqiusamik akitsuusiisarnermut isumaqatigiissutip atsioqatigiissutiginera.  
Ulloq 17. november Kangerlussuarmit Københavnimut angalanissaq siumut ilimagi-  
satut silamik peqquteqartumik taamaatiinnarneqarpoq.

Taassuma saniatigut Inatsisartuni politikikkut pissutsit peqqutigalugit angalanissa-  
mik taamaatitsiinnarnermut pissusissamisuuginnartumik peqqutaqaataapput.

27. november akissuteqaatinni ilaatigut allappunga, angalanissamik taamaatitsineq  
Naalakkersuisut siulittaasuannik isumasioqateqarluni aalajangerneqartoq, tassani  
ulluni ullup aallarfiissap siuliini politikikkut najummatsisimanartumik inissisimaneq  
soorunami aamma peqqutaqaataavoq.

Tassunga tunngatillugu aamma ilisimatitsissutigisinnaavara ulloq 16. november 2008 paasigakku Inatsisartuni taasisarnissamut isumaqatigiissuteqarnissaq iluat-sissimanagu. Tamanna politikikkut pisunut tunngatillugu Inatsisartut ataatsimiinne-risa nalaanni qulakkeeqqaagassatut isumaqarfigaara.

Inatsisartuni taasisarnissamik isumaqatigiissuteqarneq ileqquuvoq inatsisartoqar-nikkut akuerisaasoq, taassumalu siunertaraa naalackersuisut illuatungiliuttullu oqi-maaqatigiissumik angalasoqarneranut imaluunniit allamik peqquteqartumik peqan-ngittariaqarnermik sulinissaannik qulakkeerinissaq.

Inatsisartut Siulittaasoqarfiat 16. novemberip nallilernerani taasisarnissamik isu-maqatigiissuteqarnermik qulakkeerisimanngimmata, 16. november Siulittaasoqarfik nalunaarfigaara, siusinnerusukkut Inatsisartuni 17. novemberimit ataatsimeeqataa-niarnanga noqqaassuteqarnera taamaatiinnarlugu.

§ 36, imm. 1 naapertorlugu apeqquteqarnerpit saniatigut uannut inuttut isiginninne-rit pillugu arlalinnik allaatigisaqarputit. Isiginninnerit isumaqatiginngilara, kisianni ta-manna oqaaseqarfigissanngilara.

Inussiarnersumik inuulluaqqusillunga

Per Berthelsen  
Naalackersuisuni ilaasortaq